

# K.V.K-ip INATSISAI MALITTARISASSAALU

kingullermik allanngortinneqarput 22. marts 2005.

## A INATSISIT

### I atia siunertaalu:

Kattuffiup aqqa tassaavoq Kalaallit Nunaanni Volleyballertartut Kattuffiat/Grønlands Volleyball Forbund (KVK).

§1 KVK Kalaallit Nunaanni Timersoqatigiit Kattuffiannut ilaasortaavoq, aammalu Det Europæiske Volleyballforbund (CEV), kiisalu Det Internationale Volleyball-Forbund (FIVB)-imut ilaasortaalluni. Kattuffiup siunertaa tassa Kalaallit Nunatsinni timersuut Volleyball klubbit akornanni siuarsassallugu.

Siunertaq taanna anguniarneqarpoq unammisitsinernik aaqqissuisarnikkut, taamaattuni Kattuffiup ataani klubbit ilaasortaasut peqataasinnaapput.

Siulersuisut unammisitsinerni malittarisassat aaliangersortarpaat aammalu unamminissat ataasiakkaat sumi pinissaat aaliangertarlugitaaq.

Siulersuisut klubbit sinnerlugit avammut kiinnertarput.

Siulersuisuni ilaasortat tamarmik Kalaallit Nunaanni najugaqartutut nalunaarsorneqar-simassapput.

Kattuffiup angerlarsimaffia aalangerneqartassaaq ataatsimerduarnermi ukioq allortarlugu siulittaasumut qinersisoqarnerani.

§2 Kattuffiup ilaasortaasa unamminissamat malittarisassat Internationale Volleyball Federation-imi qaqugumulluunniit atuuttut Volleyballermermi malittarisassat malippai, tassa FIVB-imiit nalunaarutigineqariaraangata atuutilernissaallu ullulerneqariaraangat.

Unamminerni malittarisassat ukiut ingerlanerini allannguuteqartassagaluarpata, siulersui-sut pisussaapput ilaasortanut qaqugu atulernissaat ilanngullugu nalunaarutigissallugu.

### II Ilaasortat

§3 Kattuffimmut ilaasortanngortinneqarsinnaapput timersoqatigiiffiit Volleyballimik ingerla-taqartut. Klubbit ilaasortat Kalaallit Nunatsinni angerlarsimaffeqassapput.

§4 Timersoqatigiiffik sunaluunniit kattuffimmut ilaasortanngorumasooq siulersuisunut qinnu-teqassaaq. Qinnuteqaammut ilanngunneqassapput timersoqatigiiffiup inatsisai, sumi arstartarnera, siulittaasup aqqa najugaalu, ilaasortat amerlassusaat kikkuunerilu, kiisalu unamminerni atisarineqartussat qalipaataat.

Timersoqatigiiffik ilaasortaalisaaq holdimik ilivitsumik unammisitsisinnaaleruni, aam-malu qinnuteqaammut ilanngussimagunigit ilaasortat allattorsimaffii, ulloq ukiorlu inun-

ngorfii ilanngullugit.

§5 Ilaasortat ukiut tamaasa 1. November nallertinnagu ukiumi pineqartumi ilaasortarisatik siulersuisunut G.I.F-imullu nalunaarutigisassavaat. Allamik siulittaasoqalerneq, inatsisi-nik allannguuteqartitsineq kiisalu naatsorsuutit piaartumik kingusinnerpaamillu ullut 14-iniit qaangiutsinnagit Kattuffimmut nalunaarutigineqartassapput.

### III Repræsentantskab-i

§6 Kalaallit Nunaanni Volleyballertartut Kattuffiata suliassai ukuningga sularineqartas-sapput:

1. Repræsentantskab-imit
2. Siulersuisunit
3. Amatør- aamma ordensudvalg-imit.

§7 Repræsentantskab-i tassaavoq kattuffimmi oqartussaaitaq imatullu katitersimassaaq ilaasortaarluni.

1. Siulersuisunit
2. KVK-ip ataani klub-it immikkut tamarmik sinniisaat ataaseq.

§8 Kattuffiup Repræsentantskab-ia ukiut tamaasa 15. Juni tikitsinnagu ataatsimiittassaaq, ilaasortallu allakkatigut nalunaarfigalugit qaaqquneqartassapput sivikinnerpaamik sap. ak. arfineq-pingasunik ataatsimeersuarnissaaq sioqqullugu.

Ullormut oqaluuserisassat, siulersuisut nalunaarutaat, ukiumoortumik naatsorsuutit na-qinnerat kukkuneruisunit atsiugaq ataaseq kiisalu siunnersuutaasinnaasut ataatsi-meersuarnissaaq sap.ak. pingasunik sioqqullugu nassiunneqartassapput.

Avataaniit siunnersuutit siulersuisunit tiguneqartassapput ataatsimeersuarnissaaq sap.ak. arfinilinnik sioqqullugu. Taamatuttaaq siulersuisunut qinigassanngortitassat.

Ullormut oqaluuserisassat imatut imaqarlutillu tullerinneqassapput:

1. Ataatsimiinnermi aqutsisussamik qinersineq
2. Siulersuisut nalunaarutaat siulittaasumit saqqummiunneqartoq.
3. Ukiumut naatsorsuutit kukkunerisikkat akuerisassanngorlugit saqqummiunneqarnerat.
4. Siunnersuutit anngunneqarsimasut.
5. Siulersuisunik taakkulu sinniisussaannik qinersineq. Inissisimaffinnut tamanut toqqaannartumik qinersisoqartassaaq. Siulittaasooq, allatsi aamma nunanut allanut attaveqaataasartoq ukioq allortarlugu qinigassanngortineqartassapput, taamatullu ukiup tulliani siulittaasup tullia aamma aningaaserisoq. Qinerneqartut ukiut marluk atasassapput. Sinniisissamik qinersisarneq ukiut tamaasa pisassaaq, taakku ataatsimeersuarnerni qinigassanngortinneqarsinnaapput. Qinersinerit qulaani pineqartut amerlanerussuteqarnikkut qinigaasassapput.
6. Kukkunerisuisussamik qinersineq.
7. Ukiup tulliani inersimasunut GM-erfissamik toqqaaneq, aammalu inuusuttuaqqat GM-ernissaannut qinnuteqarfissamik killiliineq.

§9 Kattuffiup siulittaasua qinersinertaqanngitsumik GIF-ip siulersuisuini ilaasortaassaaq, soorluli aamma Kattuffik GIF-ip repræsentantskab-iani marlunnik qinersisinnaatitaaffeqar-

toq.  
DVBF-ip ataatsimeersuarnerani KVK taamaallaat oqalussinaatitaavoq.

§10 Immikkut ittumik Repræsentantskab-i ataatsimiigiaqquneqarsinnaavoq siulersuisut pisariaqartitsippata, aammalu katersortinneqassallutik minnerpaamik kattuffiup ilaasortaasa 1/4-ii tamatuminnga piumasaqarpata. Immikkut ittumik ataatsimiigiaqqusineq pisaaq nalinginnaasumik ataatsimiigiaqqusineri iliusaasartut maleqqissaarlugit.

§11 Siunnersuutit repræsentantskabsmøde-qarnermi suliaritikkumasat ilaasortat ilaannit imlt. siulersuisut ilaannit saqqummiunneqartassapput. Aalajangiinerit ataatsimeeqat-aasut akornanni amerlanerussuteqarneq tunngavigalugu pisassapput. Kattuffiup inatsisaanik allanngortitsinissamik siunnersuutit kiisalu siunnersuutit timersoqatigiiffinnut aningaasartuutitigut annertusaataasinnaasumik imaqtartut pisarnerit malilugit saqqummiunneqartassapput, taavalu ullormut oqaluuserisassani immikkut inissinneqarlutik. Akuersisinnaanermulli piumasaavoq minnerpaamik ilaasortat tamarmiullutik taasisinnaanermi amerlassusisa affaat najuutissasut, taakkulu akornanni taasisut 2/3-ii siunnersuummut akuersissasut. §23-illi allanngortinneqarsinnaaneranut piumasaavoq taasisut akornanni 3/4-it akuersinissaat.

§12 Ataani taaneqartut repræsentantskabsmøde-qarnermi oqalussinnaatitaallutillu taaseqataasinnaatitaapput:

1. KVK-imi siulersuisunut ilaasortat.
2. Klubbit ilaasortat sinniisaanniit ataaseq.
3. Siulersuisut kissaateqarnerisigut - repræsentantskab-imi - allat isumaqati-giissuteqarniarnermi peqataasinnaatitaapput kisiannili taaseqataasinnaanatik.

Klubbinut sinniisaasut timersoqatigiiffimmu sinnikkaminut ilaasortaassapput.

Klubbit sinniisaasa angalanermut ineqarnermullu aningaasartuutaat klubbit namminneq isumagissavaat. KVK-ili tapiissuteqarsinnaavoq akiliussilluniluunniit.

Repræsentantskabsmøde-ni peqataasut aatsaat allagartamik pisinnaatitaassummik peqarunik allat sinnerlugit taasisinnaapput.

Peqataasoq ataaseq amerlanerpaamik marlunnik taasisinnaavoq.

§13 Siulersuisut tallimanik ilaasortaqrput. Taakku nalinginnaasumik ataatsimeersuarnermi qinerneqartarput. Siulersuisunut ilaasortat ukiuni marlunni atasarput. Qinigassanngortinniakkat siulersuisunut tunniunneqareersimassapput sap. ak. arfinillit ataatsimeersuarnissaq sioqqullugu. Qinigassanngortittut kikkueneri nassiunneqassapput sap. ak. pingasut ataatsimeersuarnissaq sioqqullugu, ullormut oqaluuserisassanut ilanngullugit.

Siulersuisuni ilaasortat ukiuni marlunni atasarput.

Ukiuni akunnattuni qinerneqartassapput Siulittaasoq, allatsi, ilaasortarlu nunanut allanut attaveqaataasoq.

Ukiuni akunnaatsuni qinerneqartassapput Siulittaasup tullia, Aningaaserisorlu.

Ataatsimeersuarnermi siulersuisunut ilaasortatut qinigaanikoq, qinigaaffiup nalaani

tunuassagaluarpat sinniisussaq siulleq siulersuisunut ivertinneqassaaq, taannalu siulersuisunut ilaasortaassaaq ataatsimeersuarnissap tulliuup tungaanut.

Siulittaasoq suli piffissaatinngagu tunuarpat siulittaasup tullia siulittaasunngussaaq, siulersuisullu nutaamik siul. tullisaanik qinersissapput. Taakku allannguutit atuutissapput ataatsimeersuarnissap tulliuup tungaanut.

§14 Siulersuisut ataatsimiinnissaat siulittaasup aggersaanera tunngavigalugu pisassaaq.

Siulersuisut suleriaasissartik namminneq aaliangertassavaat, aammalu ataatsimiititaliat kattuffiup ajunngitsumik ingerlanissaanut pisariaqartitatik pilersittassallugit - tassungalu atasumik unammisitsineri ataatsimiititaliaq, dommerissarsiorussat, tusarniaasartussat, unammisartunik toqqaasartussat, ataatsimiititaliasallu tamakkununga assingusut allat pilersissallugit. Siulersuisut ataatsimiititaliani siulittaasussat toqqartassavaat.

#### **IV Aningaasanut tunngasut:**

§15 Naatsorsuutit ukiup qaammatai malippai.

Ataatsimeersuarnermi kukkunerisuisussaq imlt. kukkunerisuisartumik kattuffiup aningaasatigut naatsorsuutaanik nakkutilliisinnaasumik qinersineqassaaq.

#### **V Aaliangersakkat allat**

§16 Siulersuisut isumaqarunik unammisartuq, ittuusoq imlt. klubbi unamminerup imlt. tamatumunnga atatillugu arlaatigut unamminerim malittarisassanik unioqquutitsisoq imlt. kusanannigsumik pissusilersorsimasooq taava taamak iliortoq unammiffimmit peersinneqarsinnaavoq imlt. piffissami aaliangikkami kattuffimmit peersitaagallaruni.

§17 Siulersuisut isumarunik klubbi imlt. taassuma ilaasortai kattuffimmut iliuseqarnermik-tunngaviusumik unioqquutitsisimasut imlt. arlaatigut kusanaatsuliorsimasut imlt. klubbip siulersuisui naak qinnuigineqarsimagaluarlutik ilaasortarisaminnut unioqquutitsisimasumut akuliukkumangippata taava kattuffimmi siulersuisut pisinnaatippat klubbimut imlt. taassuma ilaasortaanut pineqartumut namminneq naapertuutsitsinertik tunngavigalugu, soorlu klubbimik imlt. ilaasortanik ataasiakkaanik kattuffimmi piffissalikkamik imlt. ataavartussamik ilaasortaajunnaartitsisinnaapput. klubbit imlt. ilaasortat qulaani taagorneqartut unioqquutitsisimasut akiliisussanngortinneqarsinnaapput.

§18 Klubbimi ilaasorta q ilaasortaaffigisaminut akiitsoqarneq imlt. allatigut aqqiagiinngissuteqarneq patsisigalugu klubbimit anisitaasimappat pinngitsoorani klubbip kattuffik erseqqissumik tamanna pillugu nalunaarfigissavaa. Siulersuisut ilaasortaajunnaarsitaasimasooq kattuffiup aqqqissugaanik unammisitsineri imlt. kattuffiup ilaasortaanut klubbinut allanut ilaasortanngorniarnissaata pinngitsoortineqarnissaa isumagissavaa, akiitsut qanoq ikkaluarpataluunniit akuerineqarsinnaalissanngilaq ukiup affaa kingulleq pinngalunniit akilerneqanngippata.

Ilaasorta q allanik patsiseqartumik ilaasortaajunnaarsinneqarsimappat kattuffiup siulersuisuisa aaliangiiffigissavaat eqqartorneqartoq sivirusussuuliigaasumik imlt. ataavartumik kattuffimmit mattunneqassanersoq.

Klubbi kattuffimmut ilaasortanngorniarluni qinnuteqarpat uku malittareqqusat peqatigiiffiup ilaasortaanut kattuffimmit peersinneqarsimasunut atortussaatinneqarput.

§19 Peersitaanermut nalunaarut §17, 18 aamma 19-imut tunngasut kattuffiup ilaasortaanut tamanut ingerlatinneqassapput. Ilaasortaq kinaluunniit paragraf-it taakku tunngavigalugit peersinneqarsimasooq, peersitaaneq atuutsillugu qanorluunniit klubbit iluanni atorneqarsinnaanngilaq klubbiup siulersuisuini ilaasortatut imlt. allaffiani sulisutut.

Unammisartoq kinaluunniit klubbilu sorlerluunniit unammisartumik peersitaasimasumik ilaqarluni unammiguni imlt. taama ittumik unammisoqaruni kattuffimmit peersinneqarsinnaavoq.

Unammisartoq imlt. klubbi peersitaasimasooq klubbiup allamut kattuffimmut ilaasortasumut sorlerluunniit ilaasortanngorsinnaanngilaq kattuffik immikkut akuersissummik tunniussisimatinnagu.

Unammisartoq kinaluunniit klubbilu sorlerluunniit §17, 18 aamma 19 tunngavigalugit peersitaasimasooq pisinnaatitaavoq pineqarmini GIF-ip amatør- og ordensudvalg-ianut suliareqqitassanngortinnaallugu.

§20 Siulersuisut §17, 18 aamma 19 tunngavigalugit mattussinermut imlt. peersitsinermut apequtit tunngassuteqartut unammisartunut klubbinullu attuumassuteqartut eqqarsaatigeqqin-niaraangagit, klubbit kattuffimmut ilaasortasut ilaasortai pisussaataaapput kattuffimmit paasissutissat pisariaqartinneqartut tamaasa paasissutissiissutigalugit tunniuttassallugit, suliamut pingaaruteqartussaammata.

Paasissutissanik piumasunik tunniussiumanngitsut aammalu ilumuunngitsunik paasissutissiisut piffissalikkamik imlt. atajuartussamik ilaasortaajunnaarsinneqarsinnaapput.

§21 Amatør- og ordensudvalg-ip suleriaasissaa pissaaq GIF-imi malittarisassat atuuttut naapertorlugit, ataatsimiititaliallu inuttalersorneqarnissaa imaappooq:

Ataatsimeersuarnermi amatør- og ordensudvalg-imi siulittaasussaaq ilaasortassallu marluk qirneqartassapput.

Ataatsimeersuarnermi sinniisussaaq ataaseq qirneqassaaq. Sinniisusssatut qirneqartoq ataatsimiititaliami ilanngutissaaq ataatsimiititaliami siulittaasup aaliangiineratigut, tassa ilaasortat arlaat peqataanngippat allatulluunniit eqqartorneqartussanut attuumassuteqartut patsisigalugit peqataasinnaatitaanngippat.

Ataatsimiititaliap suliassai tassaapput - peqquneqarneq tunngavigalugu - apequtit kattuffimmut ilaasortanullu pingaaruteqatumik attuumassuteqartut aaliangiiffiginiassallugit.

Pingaartumillu pineqarput inatsisunik, aningaasanik akisarsinnginnissamik aaliangersakkanik, malittarisassanik assigisaanillu atoritsinissaaq. Amigaatilimmik malittarinninnerit imlt. unioqqutitsinerit aammalu kusanaatsuliernerit timersortartorpalaanngitsumillu pissusilersornerit, aammalu ilumuunngitsunik iliornerit, assigiinngitsutigut klubbit iluanni avammut naam-maginannngitsumik pissusilersornerit kattuffiup isigineqarneranut nakkarsaataasinnasut aammalu suliaanut akornutaasinnasut misissuiffigalugit aaliangiiffigissallugit.

Pillaatissiisarnerit unioqqutitsinerup suunera apeqqutaalluni sakkortussusai assigiinngillat, pikkorissarnerni unammisaqattaarnernilu, piffissalikkamik mattussinermiik (timersornermik sullissivinnut, ataatsimiinnernut sungiusarnermut allanullu iseqqusinnginneq) peersitsilluinnarnermut.

Ataatsimiititaliap siulittaasua allakkatigut ataatsimiigiaqquisassaaq, akisussaaffigalugulu suliassat kinguarsarneqaratik suliarineqarnissaaq.

Udvalg-ip siulittaasua allakkatigut ataatsimiigiaqquisassaaq, akisussaaffigalugulu suliassap piaartumik suliarineqarnissaa.

Suliassat ataatsimiititaliamut suliassanngortinniakkat KVK aqutugalugu allaganngorlugit nassiunneqassapput - sapinngisamik klubbi aqutugalugu - aammalu ataatsimiititaliap aaliangiinera nalunaarutigineqassalluni kattuffik aqutugalugu. Ataatsimiititaliap suli-ami pineqartut imlt. allat toqqaannartumik paasiniaavigisinnaavai suliamut tunngasunik paasissutissaasinnasunik pinjarluni.

Eqqartugaq sunaluunniit aatsaat aaliangiiffigineqarsinnaavoq ataatsimiititaliap sammineqartumut attuumassuteqartut tamaasa saqqummiussassanik eqqartorneqartumut pingaaruteqartunik saqqummiussisinnanissaat periarfissereerpagu imlt. kikkut nammineerlutik aggerlutik oqaloqatiginnikkumasut sammineqareerpata - aggerlut aningaa-sartuutit nammineq akilissavaat - aamma allamik sinnerluni aggeritsoqarsinnaavoq piffissaaq ataatsimiititaliami siulittasup innersuutaa atorlugu.

Ataatsimiititaliap aaliangiisinnasuseqarpoq ilaasortat marluk najuuppata. Isumaqaatasut amerlaqatigiitsillugit siulittaasup isumaa aaliangiisuussaaq.

Ataatsimiititaliap aaliangigaa - aaliangiinerup kingorna sapaatit akunneri sisamat qaangiutsinnagit - sammineqartumut attuumassuteqartunit imlt. kattuffimmit GIF-ip amatør - og ordensudvalg-ianut suliareqqitassanngortinneqarsinnaavoq. Kattuffik nammineq aamma eqqartukkamik ingerlatitseqqissinnaavoq ataatsimiititaliap tunngavissaqarluni sammineqartumut aaliangiisinnasorinngippat.

Suliat sunaluunniit GIF-ip amatør- og ordensudvalg-ianut tunniunneqarsinnaanngilaq KVK-ip amatør- og ordensudvalg-ia aqusaarsimatinnagu.

KVK-ip siulersuisui pisinnaatitaapput - tuaviuussanik isumagisassaqtillugu – aaliangissallugu, suliareqqusat/naammagittaalliutit, siulersuisusunit aaliangiiffigineqareer-simasut toqqaannartumik amatør- og ordenudvalg-imut soorlu postfax, telefax assigi-saaluunniit atorlugit nassiunneqarsinnaapput, taakku assilineri kattuffimmut nassiullugit.

§22 Kalaallit Nunaanni Volleyballertartut Kattuffiat atorunnaarsinneqarsinnaanngilaq, timersoqatigiiffiit marluk ataavarnissaanik kissaateqartillugit. Atorunnaarsitsilluni aaliangiineq taamaallaat pisinnaavoq nalinginnaasumik ataatsimeersuarnermi, tassanilu taaseqataasinnasut peqataasut 3/4-ii akuersippata.

## **B MALITTARISASSAT**

### **Unaminerni malittarisassat**

#### **Aaliangersakkat nalinginnaasut**

- 1.1 Malittarisassat uku unammisitsinerni unaminernilu Kalaallit Nunaanni Volleyballertartut Kattuffiannit/Grønlands Volleyball Forbund-imit (KVK-imit) imlt. peqatigiiffiit Kattuffiup ilaasortarisaa akornani aqqqissugaasuni tamani atuuttuupput, aammalu allannngortisilaarnerit KVK-imit akuerineqareersimasut.
- 1.2 Unammisaqattaarnerit unaminernilu taamaallaat akissarsutiginnagu Volleyballertartunit peqataaffigineqarnissaminnut ammapput.
- 1.3 Unammisaqattaartitsinerit unaminernilu ataasiakkaat pinngitsooratik KVK-ip unaminis-samat malittarisassai qaqumulluunniit atuuttut naapertorlugit ingerlanneqartassapput.

- 1.4 Unammisitsinerni aqutsisut qanoq iliorneri tamani aaliangiisussavoq, malittarisassat immikkoortiterneqarsimasut tunngavigalugit, aammalu sumik kinguartinneqarsinnaanngitsumik pisoqartillugu Kattuffiup siulersuisui sinnerlugit aaliangiisussaataavoq.
- 1.5 Qanoq pisoqarneratigut unaminerni maleruagassiat naapertuutissanngikkaluarpata taava ukunani malittarisassani aaliangersakkat oqaasissioneri aaliangiisuussapput.

### **Unammeqatigiittussanik naligiissarinerit aammalu ukiuisa aaliangersaaffigineri**

- 2.1 Unammisitsinerit imatut immikkoortiterneqarsinnaapput:

#### **INERSIMASUT:**

ARNAT:	ANGUTIT:
Inersimasut	Inersimasut
Utoqqasaat	Utoqqasaat

#### **INUUSUTTUT:**

Sukorsit	Sukorsit
Inuusuttuaqqat	Inuusuttuaqqat

#### **MEEQQAT:**

Niviarsiaqqat	Nukappiaqqat
Meeqqat nukarlerpaat	Meeqqat nukarlerpaat

- 2.2 Inersimasut tassaapput ukiumi unammiffimmi 1. Jan. tikitsinnagu 21-inik ukioqalereersimasut.
- 2.3 Inuusuttut tassaapput 19-ileereersimasut, kisianni ukiumi unammiffimmi 1. Januar sioqqullugu 21-ileereersimanngitsut.
- 2.4 Inuusuttuaqqat tassaapput 17-ileereersimasut, kisianni ukiumi unammiffimmi 1. Januar sioqqullugu 19-iliisimanngitsut.
- 2.5 Niviarsiaqqat/nukappiaqqat tassaapput ukiumi unammiffimmi 1. Januar sioqqullugu 17-iliisimanngitsut.
- 2.6 Meeqqat nukarlerpaat tassaapput ukiumi unammiffimmi 1. Januar sioqqullugu 13-iliisimanngitsut.
- 2.7 Arnat/angutit utoqqasaat tassaapput ukiumi unammiffimmi 1. Januar sioqqullugu 35-ileereersimasut.

### **Utoqqaassutsit killilersornerini immikkut akuersissuteqarsinnaanerit**

- 3.1 Inuusuttut akornanni unammisartut akuersissutitaqanngitsumik angajullerni unammeqataasinnaapput.
- 3.2 Unammisartut nukarlerpaat immikkut akuersissutitaqanngitsumik niviarsiaqqat nukappiaqqani, imlt. killormut peqataatinneqarsinnaapput.
- 3.3 Unammisartut imm. 3.1 imlt. 3.2 tunngavigalugit aaqqiivineqarsinnaanngitsut taamaallaat naatsorsuutigisinnaavaat immikkut akuersissummik tunineqarsinnaassallutik

immikkorluinnaq ittumik tamanna pisinnaasussatut tunngaveqartinneqarsinnaapput.

Immikkut aaqqiinissamut qinnuteqaatit KVK-imut nassiuneqartassapput taassumami immikkut qinnuteqaatit akuerineqarsinnaanerit aaliangiiffigisussaammagu.

### **Unaminerni peqataasarneq/Klubbimut allamut nuunneq**

- 4.1 Unaminerni (nunatsinni pissartanngorniunnerni) peqattasinnaassagaanni Klubbi unaminerni peqataaffigineqartussa qinnerpaamik ulluni 30-ini ilaasortaaffigineqareersimassaaq. Unammisaqattaarnermi unaminerni ataatsimi peqataasimasooq unammisitsinerup ingerlanerani klub-imut allamut ilaalluni unammeqataasinnaanngilaq.
- 4.2 Unammisartut pinngitsooratik illoqarfimmi klub-erisap inissisimaffiani minnerpaamik ulluni 50-ini unaminissap pinissaa sioqqullugu najugaqassapput.

Inersimasut nunatsinni pissartanngorniunnissaannut atatillugu unammisartut 1. Februar illoqarfimmeereersimassapput.

Unammisartut nunatsinni najugaqavissut (inuit allassimaffianni nalunaarsorneqarsimasut) malittarisassamik taassuminnga eqqorsimaneqanngillat, feeriarneq pikkorissarneq, sulinerit atatillugu angalanerit tamakkulu assigisaannik peqannginneq patsiseqartilugu. Akunnattuunganartunik pisoqartillugu KVK aaliangiisuussaaq.

- 4.3 Klubbimut allamut nuunnermi uku aaliangersakkat malinneqassapput, klubberilikkami unammeqataannginnermi:
- Unammisartup klubberisami qimassimanera allakkatigut uppersarsinnaassavaa, ilaasortaannermullu akiliutinik akiitsoqannginnini.
  - Illoqarfiup iluani klub-imut allamut nuunnermi minnerpaamik ullut 30-it ilaasortaareersimasariaqarpoq unammeqataassagaanni.
  - Illoqarfimmut allamut nuunnermiik ullut 30-it qaangiunneranni aatsaat klubberilikkami unammeqataasooqarsinnaavoq.
  - Klubbi unaminerni malittarisassanik unioqquitsilluni unammisartumik peqataatitaartoqunaminerni ajorsartutut nalunaarutigineqassaaq.

Klubbi allagartat takutinneqarsimasut tunngavigalugit piumassuserinngisamik malittarisassanik unioqquitsisimappat, soorlu assersuutigalugu illoqarfimmut allamut nuuttunut, taava KVK aaliangiisuussaaq unammisartumik peqataatitaqarsimaneq unioqquitsinerisimaneq.

Klubbit unaminissaaq sioqqullugu KVK aqutugalugu paasiniaasinnaapput unammeqataasussaaq ilumut unammeqataasinnaanersoq.

- 4.3.1 Klubbimut allamut nuuttoqartillugu unammisartup klubberilikkallu qulakkeertariaqarpoq unammisartooq klubberisimasamini ilaasortaannermut akiliutinik arlaannillunniit akiitsoqarnerooq.

Klubbi qimatap allakkatigut uppersarsassavaa unammisartooq inatsisit malillugit ilior-toq, ilaasortaannermullu allanullu akiligassaqanngitsoq.



Siimoorluni piffissaq eqqorlugu peqataasinnaanginnermik nalunaarnermi timersoqati-giiffik akiliisitaasinaanermik eqqorneqarsinnaajunnaartarpoq, kisiannili aaliangersakkani imm. 6.3, 6,5 aamma 6.6 atuuttuarsinnaassapput.

- 6.8 Akiligassaq maligassat malillugit pillaatitut tunniunneqarsimasoq Kattuffimmut aaqissui-sumut akilernerqassaaq, akilernerqassallunilu akiligassanngorneraniuk ullut 8-it qaangiut-sinnagit.
- 6.9 Unamminerimi dommer-ip unammisartoq unamminerup sinnerani anisikkuniuk imlt. allati-gut peqataasinnaajunnaartikkuniuk, tamanna ullut marluk qaangiutsinnagit (allakkeriviup ulluliinera aaliangiussaaq) unammisitsinerimi aqutsisunut anisitsinerup tunngavianik nassuiaateqarfigissavai. Taava taakku nammineq oqaaseriumasaminnik ilanngussillutik nassuiaat KVK-mut aaliangiiffigisassanngorlugu ingerlateqqissavaat.
- 6.10 Unammisartoq unamminerup sinnerani anisitaasoq, minnerpaamik unamminerimi ataa-tsimi peqataasinnaajunnaartitaassaaq, tassa imaappoq pineqartoq unamminerimi aaq-qissugaasuni, pokaalinnanniunnerni allanilu unamminerimi sorlerniluunniit KVK-imit akuerineqartinnani unammeqataasinnaanngilaq.
- 6.11 Hold-imi anfører-iusoq isumaqaruni unamminerimi dommer-i unamminerup ingerlanerani unamminerimi malittarisassanik kukkusumik atuisimasoq taamaattumillu naammagittaalliu-teqarumalluni, taava tamanna pissaaq dommer-ip aaliangiinerata kingunerpianguatigut; inuusuttut unammineranni sungiusaasoq pisinnaatitaavoq naammagittaalliut turnerings-bord-imut tunniutissallugu. Anføri (inuusutut holdiini sungiusaasoq) unamminerup naam-massinerani isumaqaruni naammagittaalliutini ingerlateqqittariaqartoq, taava nammineq timersoqatigiiffimini ingerlatsisususunut pisimasoq pillugu saaffiginnissuteqassaaq.
- Taava taakku naammagittaalliummik ingerlatitseqikkumagunik allakkatigut taamak iliussapput, allakkallu unammereernerup kingorna kingusinnerpaamik ullut marluk qaangiutsinnagit (allakkeriviup ulluliinera aaliangiussaaq) nassiullugu, allakkamullu ilanngullugu 50,- nassiunneqassaaq maalaarut akuerineqassagualarpat utertinneqartus-samik, unammisitsinerimi aqutsisut allakkamik ilanngussillutik KVK-mut nassitissavaat aaliangigassanngorlugu.
- 6.12 Unammisitsinerimi ingerlatsisut ilisimatinneqarunik, unamminerimi dommeri malittarisas-sat ima atorsimagai, naak nammineq nalunaarummini kukkusimasorinngikkaluarluni, kisiannili kingorna KVK-ip lov- og dommerudvalg-ianit kukkusimanertut nalilernerqarluni kiisalu kukkusumik imlt. kukkulluni dommer-ip aaliangiussimasaa unamminerimi arlaan-nik unamminerup inerneranut aaliangiisuusimappat taava unammisitsinerimi ingerlatsi-suusut pisinnaatitaapput iliuuseqarnissaminnut aammalu aaliangiinissamut, naapertuus-sorineqartumut aaliangiisimanermut naammagittaalliortoqarsimanngikkaluarpalluunniit.
- 6.13 Timersoqatigiiffik unamminerup kingorna qaqugukkulluunniit paasisaqaruni unammi-nerup ingerlanerani nammineq maliginngisamilluunniit arlaannik pisoqarsimasoq, aam-malu pisoq malugisimagaluaaraanni naammagittaalliutaasimasinnaagaluartoq taava naammigittaalliutaasinnaasoq kingusinnerusukkut nalunaarutigineqarsinnaavoq.
- Tamannali pissaaq timersoqatigiiffiup paasiniariaruniuk naammagitaalliornissamut pissutissaqartoq...  
Immersugassiamik naammaginangitsumik immersuisimasut unamminerimi ajorsartut nalunaarutigineqarsinnaapput.

## Unammisitsinerit taakkulu ingerlannissaat

- 7.1 Kattuffiup - kiisalu illoqarfinni assigiinngitsuni unammisitsisoqartillugu - tassani aaq-qissuisut isumagissavaat unamminissamut dommer-it, allatsit pisariaqartinneqartullu piareersimatinneqarnissaat, kiisalu unammiffiup arsalu malittarisassat malillugit aaq-qissimanissaat.
- 7.2 Unammineq sioqqullugu timersoqatigiiffiup unamminerimi peqataatitassami inissinneri unammisitsinerimi aaqqissuisunut (imlt. dommerimut) KVK-ip tamatumunnga atugas-satut imersugassiaa atorlugu nalunaarutigissavaa. Nalunaarutigisat tunniunneqareer-nermikkut timersoqatigiiffinnit allanngortinneqarsinnaajunnaartarput.
- 7.3 Unamminerimi taartissamaateqartoqartillugu unamminerimi aaqqissuisut taakkununga kiisalu holdleder-inut inissanik innersuussissapput.  
Inissat ima inissisimassapput unammisartut isertussat anisussallu unammiffiup immik-koortuata affaani pisinnaasunngorlugu.
- 7.4 Unamminerimi point-ilersuineq atornerqarpat ajugaaneq 2 point-inik ajorsarnerlu 0 point-inik naleqartinneqassapput.
- 7.5 Hold-it arlallit unammisaqattaarnerup kingorna amerlaqatigiinnik point-eqarpata, tul-leriaarnissaat ataani allassimasut malillugit inissitsiterineqassapput:
- 1) Sæt-tit nikinganeri.
  - 2) Aallarnisaataasumik unamminerimi inissinnerit. (taamatut unammisoqarsimappat)
  - 3) Arsat pissarsiarisat nikinganeri
  - 4) Imminnut unamminerisa inernerat
  - 5) Nutaamik unammineq
- 7.6 Hold-i unammisitsinerup ingerlanerani ataasiakkaatigut peqataangitsoorpat taava taakku angusaat timersoqatigiiffinnit allanit immikkoortinneqassapput, peqataasiman-nginnerat sæt-innattaarisimasat nikinganerisigut sunniuteqarsimassappat taamalu hold-it angusaasigut inissitsiterinermuttaaq.
- 7.7 Hold-i unammisitsinerimi peqataajunnaavippat unamminerimi angusarisimasai pointilersui-nerimi sæt-innattaarisimasallu nikingassusiisa naatsorsornerini ilanngunneqassanngillat.
- ## Nunanut allanut unammisartoqarneq, taakkunanngalu toqqaasarneq.
- 8.1 Nunatsinni najugaqartut inersimanut nunanut allanut unammisartutut toqqaarneqarsin-naassagunik unammisartutut klubbimut ilaasortaasariaqarput, aammalu ikinnerpaamik unammersuarnerit marluk peqataaffigereersimasariaqarpat. Unammisartup angajoq-qaavisa arlaat kalaaliusimappat taamaallaat piimasaqaataavoq pissartanngorniunnermut ataatsimut peqataasimanissaq.
- 8.2 Nunatsinni najugaqartut inuusuttunut allanut unammisartutut toqqaarneqarsinnaassa-gunik unammisartutut klubbimut ilaasortaasariaqarput, aammalu ikinnerpaamik unam-mersuarneq ataaseq peqataaffigereersimasariaqarpat.

- 8.3 Nunatsinni najugaqanngitsunik toqqaasoqassatillugu piumasaqatit makku eqqortinneqatariaqarput:
- Unammisartup arnaa angutaaluunniit kalaaliussaaq, imaluunniit
  - Ikinnerpaamik ukiuni qulini nunatsinni najugaqarsimassaaq, aamma piffissami aaliangersimasumi nunami allamiissalluni, soorlu ilinniariartorluni imaluunniit timersoriarluni.

## C AALIANGERSAKKAT

*Aningaasarsiutigalugu unammisartut udvalgini klubbit Kattufimmulluunniit siulersuisuinut qinigaasinnaanngillat.*

### **Unammisitsinermi ataatsimiititaliamut malittarisassat**

Ataatsimiititaliap suliarissavaa unammisitsinissamik aaqjissuineq tamatumunnga malittarisassat qaqugumulluunniit atuuttut tunngavigalugit. Ataatsimiititaliap akisussaaffigai aaliangiinissat tamaasa kiisalu apeqqutit unammisitsinermit attuumassuteqartut akinissaat.

Ataatsimiititaliap naammagittaalliutit tamaasa suliarissavai tassungalu atasumik nalunaarutit dommer-ineersut ikiortaassuneersullu malittarisassat qaqugumulluunniit ataattut tunngavigalugittaaq isumagisallugit.

Unammisitsinermi ataatsimiititaliap aaliangigai allanit allanngortinneqarsinnaanngillat.

### **Volleyball-erlutik unamisartut sungiusarnermi unamminermilu atisaasa naqinnilerlugit ussassaarutit atorneqarsinnaaneritut malittarisassat**

- 1 Ussassaarutit malittarisassat / piumasarisat FIVB-imit aaliangersakkat qaqumulluunniit ataattut naammassineqarsimassapput.

Qulaani malittarisassanik unioqqutitsisoqartillugu KVK-ip siulersuisui pisinnaatitaapput timersoqatigiiffik imlt. taassuma ilaasortai mianersoqqussummik tunissallugit, naviissallugit akiliisissallugilluunniit. Unioqqutitserujussuarnermik pisoqartillugu kattuffik aaliangiinnaavoq unamminernit peqataasinnaajunnaartitsinermik - imlt. killilimmik ataavar-tussanngorluguluunniit, KVK-imit ilaasortaajunnaartitsisinnaalluni.

Kattuffimmit ilaasortaajunnaartitsinermit atatillugu tamatigut aaliangiunneqartoq ullut 14-it qaangiutsinnagit peqatigiiffiup imlt. ilaasortap aaliangiussamik ilisimatinneqarneranit taanna KVK-ip amatør og ordensudvalg-ianut suliaassanngorteqqinneqarsinaavoq.